

## Riddari kærleikans

Hlúðu að þeim er hugrekið skortir.  
Huggun í svartnætti og sorg.  
þegar depurð og drungi,  
kvíði og kuldi  
dreifast um alla borg.

Gættu að þeim er gleðina skortir.  
góðvildin er svo sterk  
þegar hatur og harmur  
vonleysi og villa  
heltaka mannanna verk.

### Viðlag:

Vertu sól fyrir þá  
sem að birtuna ei sjá  
Vertu vin fyrir þann  
sem vonleysið fann.  
Vertu viti á leið  
fyrir vini í neyð.  
Vertu riddari kærleikans.

Elskaðu þá sem ástina skortir  
annastu viðkvæma sál.  
þegar brotsjór og brekkur  
þrautir og þungi  
slökkva í hjartanu bál.

Trúðu á þann sem tilganginn  
skortir  
taktu burt vafa og hryggð  
þegar skömmin og skuggar  
heiftin og hræðslan  
skyggir á hverja dyggð

Vertu sól fyrir þá

sem að birtuna ei sjá  
Vertu vin fyrir þann  
sem vonleysið fann.  
Vertu viti á leið  
fyrir vini í neyð.  
;Vertu riddari kærleikans.;

ú-  
syngdu burt leiða  
lofaðu lífið  
fagnaðu hverri stund  
opnaðu hjartað  
finndu hve léttist þín lund

Vertu sól fyrir þá  
sem birtuna ei sjá  
Vertu vin fyrir þann  
sem vonleysið fann.

Vertu sól fyrir þá  
sem að birtuna ei sjá  
Vertu vin fyrir þann  
sem vonleysið fann.  
Vertu viti á leið  
fyrir vini í neyð.  
Vertu riddari kærleikans  
Vertu riddari kærleikans